



Raad van Toezicht SABA

Na e presidente sr. David Meijer

E-mail adres: [jfdmeijer@yahoo.com](mailto:jfdmeijer@yahoo.com)

Ons kenmerk: MTINO/SABA-008

Uw kenmerk:

Oranjestad, 24 november 2023

### **Topico: subsidio adicional 2023**

Apreciable sr. Meijer,


Danki pa bo mensahe positivo y bo esfuerzo pa trese claridad den e situacion insostenible cu ta existi entre Land y SABA. Ademá di e asunto di gelijkbedrag y subsidio general, mi lo atende tambe un tercer punto cual ta e status di rechtstrekking di niveau III, cual tambe a tene e empleadonan di SABA pendiente pa hopi aña.

- 1. Gelijkbedrag november 2023.** E montante conforme carta di e director a wordo traspassa pa cuenta di SABA y mester ta disponibel pa tur trahador den curso di dia awe. E tardansa a bin pa motibo cu SABA a surpasa 98% di e maximo disponibel den presupuesto pa henter e sector di adulto mayor. Esaki sin inclui salarionan cu ainda falta over November y December, pa cual Gobierno no a ricibi un plan di parti di SABA.
- 2. Subsidio General.** Cu transferencia di e gelijkbedrag over november 2023 SABA a surpasa 98% di locual a wordo aloca den presupuesto di 2023 pa henter e sector di cuida di adulto mayor y ta igual na 96% di TUR loke a ricibi den 2022. Schema ta adjunto. Esaki ta pa motibo cu gerencia di SABA e aña aki a pidi no menos cu 4 biaha pa Gobierno paga premies a base di voorschot. Gobierno a cumpli cu esaki pa evita dolor pa e trahadornan, pero a enfatisa constantemente cu esaki ta “voorschot” riba e subsidio regular. A pidi SABA na diferente ocasion pa splica kico ta e fundacion su plan financiero pa e resto di aña 2023. Esaki te awe ainda ta pendiente. Awe, un biaha mas Gobierno mester evita cu trahadornan ta bira victima di fayonan di gerencia. Mi lo haci un apelacion na un fondo di emergencia. Sinembargo, e montante disponibel lo mester ta exclusivamente pa e trahadornan (payroll y beneficianan). Pa esaki mi ta pidi cu urgencia un specificashon di e pagonan na trahadornan y e montante exacto pa luna di november y december respectivamente.

2023	SUBSIDIE	PREMIES	TOTAL	
JAN	1,787,833	579,201	2,367,034	Bashi Premie
FEB	1,787,833	-	1,787,833	
MAR	1,787,833	-	1,787,833	
APR	1,787,833	-	1,787,833	
MAY	1,787,833	-	1,787,833	
JUN	1,787,833	1,021,434	2,809,267	Vakantieuitkering
JUL	1,787,833	-	1,787,833	
AUG	1,787,833	571,000	2,358,833	Reparatietoeslag
SEP	1,787,833	-	1,787,833	
OCT	1,787,833	-	1,787,833	
NOV	-	570,569	570,569	Gelijkbedrag
DEC	-	-	-	
<b>TOTAL</b>	<b>17,878,330</b>	<b>2,742,204</b>	<b>20,620,534</b>	
		Begroot 2023	21,048,400	98%
		Werkelijk 2022	21,454,000	96%

3. **Rechttrekking Niveau III.** Mi a inclui e tema aki riba begroting di Land pa e por wordo atendi dentro di poco den Parlamento. Administracion di Gobierno ta confirma cu e fondonan aki a wordo traspassa pa SABA den pasado. Investigacion independiente ta indica cu e placa aki nunca a yega na e trahadornan. E asunto aki ta excepcional y ta parti di motibo cu mi a instrui e investigacion financiero independiente pa loke ta administracion na SABA y uzo di fondonan publico. E discusion aki entre gerencia y Gobierno no por sigi wordo hiba riba lomba di e trahadornan di SABA. P'esey mi ta spera di por logra e aprobacion necesario di Parlamento. Sin embargo, pa Gobierno por haci e pago na e trahadornan ta esencial pa SABA produci un lista di beneficiarionan y cu esaki keda aproba pa e sindicato SEPPA.

Saludos cordial,



Sr. Ursell M. Arends  
Minister di Transporte, Naturalesa,  
Integridad y Asuntonan di Adulto Mayor

cc: SEPPA